

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD BUGOJNO
BROJ: 46 0 Su 103079 21 Su
Bugojno, 24.05.2021.godine

SAOPŠTENJE ZA JAVNOST

Navodi teksta koji je pod naslovom “Zaposlenica suda u Bugojnu prisvajala novac od sudskih taksi” objavljen dana 21.05.2021. godine na portalu “Žurnal”, a prenesen na portalu “Bugojno danas” su neistiniti, neprovjereni i senzacionalistički, te imaju za cilj rušenje ugleda ovog suda.

Sa žaljenjem konstatujemo da se istinita informacija mogla dobiti jednostavnim kontaktiranjem ureda za informisanje ovog suda, što novinari pomenutih portala nisu učinili prije objavljivanja teksta.

Stoga smatramo da objavljivanje netačnih i neprovjernih informacija predstavlja kršenje Kodeksa novinarske etike, o čemu će konačan sud dati Vijeće za štampu BiH, a povodom uloženog prigovora.

Istina je da je protiv zaposlenice Suda na osnovu krivične prijave podnesene od predsjednice suda nadležno Kantonalno tužilaštvo Travnik donijelo naredbu o sprovođenju istrage zbog postojanja osnova sumnje da je izvršila krivično djelo Zloupotrebe službenog položaja, ali nije istina da je ova zaposlenica prisvajala novac od sudskih taksi.

Podrobnije informacije o ovoj istrazi može u skladu sa Zakonom o krivičnom postupku F BiH dati Kantonalno tužilaštvo Travnik. Podsjećamo da zaposlenici suda, kao i svi građanji imaju pravo na prezumciju nevinosti.

Navodi o nepotizmu prilikom prijema u radni odnos su zlonamjerni, netačni i nedokazani. Njihova paušalnost proizilazi iz samog citiranog teksta koji je pun kontradiktornosti.

Sve procedure prijema u radni odnos zaposlenika ovog suda obavljene su transparentno i u skladu sa odgovarajućim Zakonima, te od za to nadležnih organa, a svim kandidatima bila je pružena mogućnost pravnog lijeka.

Objavljeni navodi uznemirili su sve zaposlenike Suda koji zakonito, profesionalno i marljivo obavljaju svoje radne zadatke, po čemu smo među vodećim sudovima u BiH.



Predsjednica suda
Randžana Hadžibegović-Haračić